



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimav :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600



Scarlett Johansson chun, mihri-emim kawppui pakhat chaunei thut-thut 'natural' @tinawh-PZ

Hmasawanna Thar Vol - 32/127 | Churachandpur | email : hmasawnnatharnews@yahoo.com | Phone: +91-3874-236846 | Rs 6/- per copy

Political Parties/Election Agents meeting nei



CCPUR: 11th Manipur Legislative Assembly Election hung um ding le inzawmin Feb. 11, 2017 khan Mr R. Sudhan, DEO/DC, CCPur inrawina DC Office, CCPur-a BRGF Hall-ah "Election Preparedness 2017" ti thupuia hmangin district sunga Political parties tum tum le Election Agents han meeting an nei.
Meeting huna hin Power point presentation

Nagaland-a sawrkarna siemtu NPF in Legislature Party leader dingin President Shurhozelie Liezietsu an thlang TR Zeliang an tiemna anga an ban naw chun thichen huoma rally nei an tum

KOHIMA: Nagaland-a ULB election chungthua politics thila buoina fe meka le inzawmin zani hmasa chawhningtieng khan Nagland Governor P.B. Acharya le Nagland CM T.R. Zeliang hai chun zani hmasa chawhningtieng khan Dimapur suoksanin New Delhi an pan a, tuhin New Delhi ah an cham mek a, sawrkar thlungpui chu Nagland President Rule hnuoia sie lo dingin Centre-a thunei-tuhai ngen an tum niin ei thu dawngna chun a hril. Governor le CM TR Zeliang han New Delhi an pan hnungin zani hmasa zan khan sawrkarna siemtu Naga People's Front (NPF) chun NPF President Shurhozelie Liezietsu chu an Chief Minister T.R. Zeliang thlakhtengtu ding le Nagaland Chief Minister hung ni dingin lungruol takin an thlangting. NPF in vote an lak huna hin Nagaland Assembly seats 60 uma NPF MLA 49 um hai laia 42 han a thlawp zawngin vote an pek a nih.
Hi thil hi Nagaland politics buoina boruok tukdeina dinga thaw a ni a, Legislature Party leader dinga thlang a nina hi Shurhozelie Liezietsu khawmin a pawm tah



Shurhozelie Liezietsu



T.R. Zeliang

tiin Parliamentary Affairs Minister Keyanilie Peseyie chun a hril.
NPF in Legislature Party leader thlang dinga Shurhozelie Liezietsu an ruotna le Chief Minister TR Zeliang chungthua thutlukna siema um hi Delhi-a cham mek Governor le Mr Zeliang hai Nagaland an hungtlung huna sukfel dinga nghak a nih.

Nagaland CM T.R. Zeliang in ban dinga an phutna thua hun la pe met dinga an ngen lein ULB election-a nuhmei hai ta dinga 33% seat huol pek chungthua nuoma le dodalna inrawit tak Nagaland Tribes Action Committee (NTAC) le Joint Coordination Committee (JCC) chun tiemchin um lova shutdown an thaw khawm zanikhan chu an sukzalen

Nagaland CM T.R. Zeliang in a hril anga an hnu takah Feb. 19, 2017 chenah Kohima hung kira, CM a ninaa inthawk inbanna a pekaw chun NTAC chun a thu le hla lova an ban ngei ngei theina dingin thi chen huomin Kohima hmuna fast-unt-death rally an huoihawt ding thu Villie chun a hril.
Boruok tha tak hnuoia thuncina inthlakhtengna hi a um thei ngei a beisei thu hrilin New Delhi-a inthawk Zeliang in Kohima a hungtlung an nghak el a ni thu a hring hrillang lo NPF veteran MLA pakhat chun a hril.
Nagaland-a sawrkarna fe mek hi NPF inrawina Democratic Alliance of Nagaland (DAN) sawrkar a ni a, DAN sawrkara hin BJP MLA 4 le Independent MLA 8 hai khawm an thang a nih.

CHANCHIN LAKTAWI

Free Hepatitis B&C Screening
CCPUR: BIACON Bengaluru le Rengkai VA thanguroa huoihawtnain Feb. 19, 2017 (Pathienni) inkhawm tin 12:30Noon khin Rengkai Community Hall-ah Free Screening of Hepatitis B & C um a tih. Hi huna a nuom thawvt thang dinga fiel an taph.

Banquet an buotsai ding

CCPUR: Rengkai ICI Nuhmei Pawl chun building project-a dingin Feb. 18, 2017 (vawisun) hin Rengkai ICI Biekin-ah BANQUET buotsai an tih. Pathien rama rawng-bawlnaa hi Banquet-a bu fa dingin Rengkai ICI Nuhmei Pawl chun mitin an fiel.

Office hawng ding

CCPUR: 11th Manipur Legislative Assembly Election hung um ding le inzwama 58-Churachandpur (ST) A/C a Independent Candidate-a ngir tum Upa Dr D.K. Mang chun Feb. 18, 2017, 11:30AM hin New Lamka hmuna a Election office hawngna nei a tum.

Prayer Fellowship an hmang

CCPUR: Evangelical Baptist Convention (EBC) hnuoia Worker Pensioner hai chun zani 10:30 AM a inthawk 2:30PM inkar sung khan Chhungi Prayer Hall, GBC Campus-ah 5th Prayer Fellowship an hmang. Hi huna hin lawmthu hrilna le suol thupha chawina tawngt aina hun hmang a ni a, sharing hun hmang a ni baw. Ei hmaa election hung um ding thienghlim le fel taka nei a ni theina dinga tawngt airuolna an nei a, hi huna hin EBC hnuoia worker pensioner 200 chuong an thang.

Henlianthang Thanglet Office hawngna



CCPUR: Zani 11:30AM khan Singngat khuoah 60-Singngat (ST) A/C a NPP candidate Henlianthang Thanglet ta dinga Singngat Area Election Office hawngna le public campaign nei a nih. Office hi Rev. Lamkoghin, KBC Singngat in a hawng zoin tawngtainan an hlan ngah a, Singngat Bazar bukah Public Campaign nei ngah a ni baw.
Henlianthang Thanglet chun, SoO hnuoia um UPT demand tum tum han NPP thanga BJP inrawina hnuoia NDA sawrkarin inbiekna an hung nei thei chau

Fieldwork Orientation an nei



CCPUR: Sangai International University, manipur (SIUM) chun zanikhan Ms K. Nianghoiching le Mung Tonsing (Faculty member) hai inrawina MSW inchuklai han Krishi Vigyan Kendra (KVK), Churachandpur hmuna Fieldwork Orientation an nei nawk. Hi huna hin Programme Coordinator Dr Naranjan Lal le Technical Officer (extn), Ms Manneihkim han training an pek a, Demonstration plot tum tum hai an enpui baw. Kar liemta khan DDM, NABARD Thangchinkhup Guite le IDO, NERCOM han training an lo pek ta baw. Kar thar Zirtawpni khin The Malsawm Initiative, Malsawm Ability Resource Centre, Pearsonmun village ah orientation nei nawk an tih.

Power inchawkn ding thuah inremna ziek

IMPHAL: Zanikhan Old Secretariat Conference Hall, Imphal-ah Manipur state sunga a hmasa takna dingin power inchawkn ding thuah Solar Roof Top Power Voltage-Plant (SRTPV-Plant), Manipur State Power Distribution Company Limited (MSP-DCL) le MANIREDA han tripartite agreement an ziek.
Agreement hi Chief Secretary O. Nabakishore thanga ziek a nih. Phase khatnaah ni 25 han MSPDCL kuomah Solar



Power unit khat peiah Rs. 5.35 rate in kilowatt 69 inchawng an ta, MSPDCL chun a dit hai kuomah Solar Power hi unit khatath Rs. 3.65 pein zawr sawng nawk an ta, Inchunga solar panels inbuk chu MANIREDA in an thaw ding a nih.

Candidate 270 vel an um ring

IMPHAL: March 4 & 8, 2017 haia 11th Manipur Legislative Assembly seats 60 uma inthlangna hung um dinga hin candidate 270 vel an um ring a nih. First Phase election a candidate inhnukdawku nuomhai ta dinga inhnukdawku theina hun tawpna tak chu zani kha a ni ta, a second phase

election a dinga inhnukdawku theina hun nuhnungtak chu February 20, 2017 a nih.
Inhnukdawku theina hun a pel hnungah candidates umzart ding indiktak chu hriet theini a hung um ding chaw a nih. March 8, 2017 nia Assembly constituencies 22 haia second phase election um dinga nomination paper file-a um hai laia 32-Wangkhem A/C a mi ti lo po chu (scrutiny) chu zanikhan nei a ni a, 32-Wangkhem A/C a nomination paper file-a um hai enfelna Scrutiny chu Feb. 18, 2017, 12PM in nei ning a tih. Zanita Scrutiny nei poah candidates 97 hai chu Scrutiny-ah an fethleng.

ADDAOA in General Election an nei

CCPUR: All Churachandpur District Diesel Auto Owners Association (ACDDAOA) chun Feb. 17, 2017, 12:00 noon an inthawk khan Kawnpui YMA Hall-ah 3rd. General Election 2017 an nei. Hi huna hin H. Ginkhansut, President, CDDAOA, Dr D.K. Mang, Independent candidate 58-CCPur A/C le C. Sawma, Secretary, ACDDAOA haia inthawk thuhiril ngaithlak a ni a, Khamsuan Ngaihte a inthawk 2015-16 finance report ngaithlak a ni baw.
Election hi Lamsat Misao, Adviser, CDDAOA le Ngamlun hai Presiding Officer nina hnuoia nei a

O Indira in congress a zawm

IMPHAL: Kum 2012 Manipur Assembly Election a Thoubal A/C a BJP ticket a CM O. Ibobi Singh lo khangtu le BJP Manipur Pradesh spokesperson lo ni hlak Oinam Indira chun zanikhan congress party a zawm. Oinam Indira chun a hnungzuitu mi 7,000 vel a nei niin a hril.
Zanikhan congress chun O Indira lawmlutna Congress Bhavan, Imphal-ah an nei a, CM O. Ibobi Singh, Dy. CM Gikhangam, MPCC President TN Haokip, MPCC spokesperson K. Ranjit le MPCC General Secretary Victor Keishing hai khawm an thang.

Mizoram sawrkar le HPC (D) inbiek nawk hun sawn

AIZAWL: Mizoram sawrkar le Hmar People's Convention-Democratic (HPC-D) palai hai February chawlkun hmuna a inbiek a tum 4-na nei dinga ti chu, remchang nawna thenkhat leia thul a nih. Mizoram Home department in Finance department, DP&AR, Law department le department tum hai leh inrawn a,

Ibobi Singh lunginah sielut dingin

IMPHAL: Zanita Wangjing A/C a BJP candidate Moirangthem Hemanta Election Office hawngna le an party flag keiphah huna Union Human Resource Development Minister le BJP Manipur in-charge Prakash Javekhar in thu a hril huna

chun, March 12, 2017 ah BJP in sawrkar siem an ta, CM O.Ibobi Singh chu a thilthaw indiknaw lein lunginah sielut ning a tiin a hril. Chun, Manipur Congress sawrkar chu sawrkar pawisa tam takel indiklo taka hmangah an tum bawk.

Election zoah Sharmila in pasal a nei ding

IMPHAL: PRJA party lukhaitu tak Irom Sharmila Chanu chun 11th Manipur Legislative Assembly election zoah pasal a nei ta ding thu February 16, 2017 a Uripok Yambam Leikai-a a chengna In a chanchinbumihai an hmpui huna a hril.

Residential Indian (NRI) Desmond Goutanho niin a hril. Desmond Goutanho hi a bunghei hund laia inthawka a lo inngaizawngpui ta a nih. A ngaizawngpa in social media hmanga tawng mawilo a lo hmangna tuah ama thlawptuhai kuomah Sharmila hin ngaidam an hni bawk.

O. Ibobi Singh le Sharmila thil nei zat

IMPHAL: CM O. Ibobi Singh in February 16, 2017 a nomination paper a file huna affidavit a peklut dungzuiin, a thilnei zat a zieklang chu kutah sum-fai Rs. 1,35,000, SBI secretary bank-a a account ah Rs. 3,19,614.66, 2012 Model Ambassador Car 1, Thoubal-ah Leilet, state

sawrkara inthawk housing loan Rs. 3,15,625 a lak thu le rangkachak Rs. 3,00,000 man a nei niin a zieklang.
Irom Sharmila Chanu chun, kutah pawisa Rs. 10,000, Bank account ah Rs. 2,50,000 a nei thu, motor, rangkachak, insawn thei le insawn theilo ro a nei naw thu hai a zieklang.

Nuhmei pakhat silaimu leh man

IMPHAL: Zanikhan Imphal Airport-ah CISF duty han nuhmei pakhat Mrs Awungshi Naomi, d/o Awungshi Pangai of Tangkhul Avenue, Chingmeirong, Imphal East bag

sungah point 32 silaimu pakhat an dapdawku lein an hrentang a, a hnungin Singjamei Police kutah an inhlam. Ms Naomi hi Delhi pan ding flight 6E-3906 a chuong tum a nih.

MPS Officer 6 sawnkuol

IMPHAL: Chief Election Commission of India (ECI) thupek dungzuiin Chief Secretary, Manipur chun zanikhan MPS Officer 6 hai transfer and posting order thar an suo.
Hi dungzui hin W. Kasar chun Additional SP (L&O), Imphal West chel a ta, M. Kumarjit Singh

chun Additional SP (Ops), CCPur chel a ta, David Piaklian chun SP (L&O), Bishenpur chel a ta; S. Meghachandra in Additional SP (Ops) Ukhrul; Angam Ningsiam in Additional SP (L&O) Senapati le K. Ajitkumar Sharma chun Additional SP (Ops), Jiribam chel a tih.

Election Office hawngna le flag keipharna an nei

CCPUR: 11th Manipur Assembly Election hung um dinga 58-CCPur A/C a Independent candidate Chintuahlian @ CT Lian Guite chun zani 11AM khan Central Election Committee (CEC) hmalaknain Zoar Veng, Bungmual-a a chengnainah Election Office hawngna le Symbol puonglangna a nei a, workers le ngainatu tam tak an fekhawm. G. Hangzalal, Chairman, CEC in hun hmangna a keihruoi a, Sangluai Ngaihte, Chief Agent in inhmehriettirna le thuhirina hun a hmang a, Pastor Tualkhothang,



EBCC Dorcas Veng, New Lamka in candidate ta dinga tawngtaipekna a nei. Hi huna hin T. Gouzadou, Ex-Minister le Upa Thangdam hai baka Unit tina inthawk thuhiril ngaithlak a ni a, zantieng ruoi an kiltlang baw. CT Lian Guite chun,

leia hringna chan hai vui loin an la um a, rorinrelna hran, sixth schedule ngen pawl ei um karah phaimi han ST le ILP an ngen a, Naga issue a um bawk a. Politics hi number game chikhat a ni a, party lo zawm ta inla nakie tieng eimi nekin an tam si lein minority ei ni lein tlangmi hai hasatna ei nuom anga hril thei a ninaw ding leia Independent-a ngir a ni thu a hril. Independent in sawrkar thar siemna kawnga ngirhmum pawimaw tak an nei ring leia Independent-a ngir a ni thu a hril bawk.

GAS NEWS
Agency : KIM JOE
Booking : 9th Nov., 2016 to 9th. Dec, 2016
Delivery :18-02-2017 (SAT)
Time :8:00AM - till stock STOCK : 280
New Rate: Rs.809/19kg available.
Agency: SAS
Booking: 29th. Oct, 2016 to 29th.Nov., 2016
Delivery :18-02-2017 (SAT)
Time :8AM-till stock STOCK : 306
Rate: Rs. 809/-

VAWISUN THUPUI

Nisienlakhawm ringna trasamin Pathien thutiem chu a ringhla chuong naw a, pathien a chawimawi a, A thutiem chu an hlawtling tir thei ti a ring hle bawk a, a ringna chu a hung nghet lem ta a. Chul-eiin a ringna chu a felnaa ngai a hung ni tah. - Rom 4:20-21

Editorial
Nuhmei suollui

Ei pi le puhai hun laia thil tung zen zen ngai lo, nuhmei suollui, tuolthat, mi thuoimhang, rukru, mi suom, fakruk, mi hlem, khel hril, nuhmei suollui hnunga that, Zu ngawl invawi, drugs ngawl wawi, nuhmei zungui ngam, Uire ngam le suol dang dang thaw ngam hi Kristien ei ni hnung hin ei pung deu deu a nih ti chu inphat ruol a ni nawh. Pawngsuol hnunga nurawng taka that hnung khawma muolpho taka la sawisak le sie ti hai lem hi chu ei pi le puhai huna khan a um ngai der naw niin thanghluhihai chun an hril. Nisienlakhawm, khawvel hmasawna le changkangnain a mi hung ziel lut ve a, hnam dang le misuol turu hai chet dang ei hrietin ei hung hmu a, a thatna cheng nekin a sietna tieng ei entawn a, hieng nun mak tak tak le rapthlak tak tak hai hi ei rama ngei ei tawng ta rawp el a ni hi! Nuhmei puitling le tleirawl chau ni lovin naute, pitar le ruolbanlo hai chenin ei suollui el ta a nih. Inzak a um a, a muolpho thlak bek bek el ta a nih.

Nuhmei suollui thu hi lo thilir bik ta inla. Kristien ram tia insal thei Mizoram le Churachandpur District, Manipur state haia khawm a nep bik chuong der nawh. Hnam dang han iengtin am an mi ngai ding ti hi ngaituo tham takel a nih. Ei nauhai, ei farnuahi, ei tunuahi le ei nuhmei nautheai suollui hlaktuhai hi hnam dang an ni ngai naw a, ei ni mi, Zohnathlaka mi tho an nih. Mani nau dinghai mani tu dinghai, mani farnu dinghai, mani laizawm hnaihai ei suollui nuom el ta hi chu a rapthlak taluo deu a nih. Setan chun ka hmalakna ka hlawtling ting a ta, an nui vur vur ngei ring a um.

Nuhmei pawngsuolna ei rama a hung pung deu deu nasan hi hril ding tam tak um thei a tih. Chuhai lai chun ei society a zalen taluo, film pawrche en ei hrat lei, lekhabu tha lo ei tiem ngun lei, Film tha le tha naw thlier hran bik um lova zalen taka TV haia insuo a ni hlak lei, Computer le Mobile phone haia internet hmanga film pawrche le saruok thlak hai ei en ngun lei a ni ring a um. Hieng thil hai um hma khan chu ei ramah tulai ang em em a inpawngsuolna turu le rapthlak hi a um thu hriet a ni ngai nawh. Khawvel changkangna hi hmang tangkai nekin ei hmang suol a, ei tuorhla a, nasa takin ei sietpui a nih. Changkangna hi hmang suol lo dinga mitin ei fimkhor zuol nuom a um.

Pawngsuol hi a tuortu nuhmeihai ta ding chun kumkhaw nun sukrinumtu, lungril damnaw kumkhuona, a then lem chu mi anglo anga um hielna dam, mihai endangna le hmusitna chen a ngahawng thei a nih. Tulai lem chu natna tibiium tak tak HIV/AIDS, Hepatitis B le a dang dang inkaisawng theina a hung ni ta leiin pawngsuol hi ti a um zuol bik ta a nih. Nuom le nuomnaw thu hrim hril thei der lova natna tibiium le natna hri tenum kaisawng theina a ni leiin ei inveng fimkhor el chau ni lova mitinin ei do tlang hi a tul takzet a nih. Mihai tuok ding chau a ninaw a, ei nuhmei, ei nauuu, ei tunu, ei farnu, pitar le ei naute hai chenin an tuok ve thei seng a ni leiin pawngsuolna hi ngainep chi a ni naw a, dan anga hrem le khawtlang ensan hiel an suolnain a phu a nih.

Pawngsuoltuhai hi khawtlang suk zalen nawtu an ni hrim hrimna khawm hin hremna na tak pek an phu hrim hrim a, a hremna dan hi tuta dan um tasa nek hin sukkhau nisienla nuom a um. Dam-sung lungin intang le cheng nuoitel Lei inchawitir khawm an phu a nih. Nuhmei suolluina case hi chu pi le pu dan annawleh laibung ang zawnga rel a, in ngaidam el chi a ni nawh. Muolphopui ei nuom naw leiin laibung zawng annawleh Pi le pu dan hmanga inrel hi ei ching hlak a, thaw dan tha hmang chi niin an lang nawh. Hi thil hin nuhmei suolluina case hi an nepitir hlak a. A tha tak chu ram dan anga rel hi a nih.

Tuta hma deu khan Churachandpur-ah nuhmei tleirawl, kum tlinglo suollui a ni a. A tuortu han tlang hrieta muolpho ngam a, dan anga an fepui le an rel kha entawntlak an nih. Tuta kar sung ngei khawm hin Churachandpur-ah nuhmei suolluina a tlang nawka hril rik a nih. Amiruok-chu, a tuortu han khawtlang hrieta muolphopui an ngam naw lei ni ngei a ta, khawtlang hrieta puonglang a ni nawh. Hiengang suolna rapthlak takel hi ei tobopui pei chun ei la tuorhla deu deu ding a nih. Suol ei vai ngamna chi khat hung ni bawk a tih. Hieng kawngah hin dan hmang ngam seng inla thang a tih.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

TLANGRAM Vs. TLANGMIHAI

(Hill Area Vs. Hill People)

By: L. Keivom

A thupua ei hmang hi ho deua ngai pawl ei um el thei. Thil thuhmun le umzie inanga ngai pawl khawm ei um bawk ka ring. Mi tam lemin an indanglamna ei hriet naw el thei bawk. Ei bi chieng ruok chun tawngkam dengkhawng le inril taka danglam a nih. Manipur Sawrkarin a hmang dan lem chun tur tum tak a pai. Chu chu a tawi thei ang taka inhril hriet thei a ni takduoiin tiin hi lekha hi ka ziek a nih.

A tobul

East India Company haiin sumdawngna lampui hawng dinga India rama an hung lut tan lai khan khān tha an hrietah damten umhmun an hung khuor a. Mughal lalram tluk siet mek lai chu remchanga lain, Calcuttah hmupui khuorin, sawt naw te sungin Bengal le a se vel an hung hne a. China le an indawrna a hung tlak siet hnung khan thingpui bil siemna dingin India hmarsaka ram hmangpui an hung thiek tan a. Hmar-sak rama cheng tlangmihaiin an thingpui huon zu rui a, rawk a, an kuli sawrhai salah man a, thangsuoona dinga a then lu an hawn hlak lein, lo thei loa an inhmatawn a hung ngai a. An ram lakna chin humhal ding le sie (tax) khawna dingin biel an siem a, tlangram thutah phai chin huopin ramri an hung khang a, chuonga biel an t he chu Revenue District an ti chu a nih. Tlangram chin, tlangmi hnam hrang hrangin an hlou ramhai kha a tir chun anni enkawlna hnuoia um ni lo, unadministered area ti a ni a. Hieng tlangmi hnam hrang hrang, hill tribes an tihai hi phairama cheng, hnam hmasawn lemhaiin an chimral el nawna dingin inhumhimna dan an duongpek a, chu huonga tlaihai chu a hnunga 'Schedule Tribes' tia hrietahai hi an nih.

Phairam ei ti hmun tam lem hi mi hausa le neinung mi tlawmte, zamindar an tihai hnuoia um a ni tlangpui a. Zamindari System hi kum 1950/51 lai khan Bengal-ah sukbo a ni a, State dang khawmin an hung zui ve pei a nih. Zamindari system hi tlangmihai lai chu hmang a ni ngai naw leiin, hmang an lo tumna taphawtuh buoina a suok a. A suok hmasakna tak, rikawta ei hmu chu Garo Hills-a Rangpur District a nih. A ram neitua nngai Zamindar-in tlangmihai laia sie (leiman) a khawn chu an pek nuom naw leiin kum 1815 khan buoina a suok a. Chu thu chu ching fel dingin Rangpura Magistrate David Scot chu an ruot a. August 1816 khan a ripawt a pek a, chu taka chun tlangmihai chu hnam hran, kalchar hran, inawp dan hran nei an ni leiin phaimihai le jēl kawp loa inenkawlna hran, Civil Commissioner, North-East Rangpur hnuoia sie tha lem dinga a ngai thu a ziek a. Governor-General-in-Council chun a thil rawt chu tha tiin a pawmpui a.

Chuleiin, Bengal Regulation X of 1822 a hung suok khan, "With a view, therefore, to promote the desirable object of reclaiming these races to the habit of civilized life, it seemed necessary that a special plan for the administration of justice, of a kind adapted to their peculiar customs and prejudices, should be arranged and concerted with the headman, and that the measures should at the same time be taken by forcing them from any dependence on the Zamindars of the British provinces" (Hieng hnamhai hi nun changkang lema thuoil lutna dinga thil ditum chu an lalhai leh inthu kawp a, an hnam dan le ser le sang danglam le inmil zawnga invawng dan bik duongpek a ngai a; Kumpinu rampera zamindar-hai kuta an nuom thu le nuom naw thu hril thei loa an tluk lut ding laka ei hum tlat a ngai) tiin an lo ziek hiel a nih.

Hi thuthlung hi kengkaw peiin Garo Hills Act, 1869 chu a hung suok a, Bengal hnuoia inenkawlna dan tlangpui an hmang chu Garo Hills-ah hmang ve lo ding le tlangmihai chu an hnam dan le an ser le sang humhal a, invawng dan hran siempek an hung ni a. Hi invawng dan thar hnuoia thuneina insang tak chu Lieutenant Governor kutah sie a ni a, ama chun tul a ti angin Jaintia Hills, Khasi Hills le Naga Hills-a khom hi invawng dan hi hmang ve dinga puong theina thuneina a nei. Chu dungzui chun, Assam ram inopna chu Bengal-a inthawka the thlain, Assam po chu biel pakhat 'Chief Commissionership of Assam' hnuoia an hung sie a. February, 1874-a Assam an hung the thlak phing leh kha hmaa British India rorelna hnuoia la lut ngai lo tlangram hmun hrang hrang, phairama invongna dan General Acts & Regulations hnuoia la khawna ngai lohahi kha thlier hrangna dingin, Scheduled Districts Act, 1874 an hung siem a, chu dungzui chun Garo Hills, North Lushai Hills, Mokokchung Sub-division of Naga District, South Lushai Hills le Chittagong Hill Tracts sunga tlangram po chu 'Scheduled District' ti an hung ni tah a nih.

Chuonga fe peiin, Assam Frontier Tracts Regulation 1880 dam, Montague-Chelmsford Report of 1918 dam le Government of India Act 1919 le 1935 dam a hung suok a. Section 52A, Government of India Act 1919 chun hieng a hnuoia tlangramhai hi "backward tracts" tiin a hung puong a nih: Garo Hills District, Khasi & Jaintia Hills District (Shillong Municipality le Contonment thang loin), Mikir Hills (in Nowgong & Sibsagar Districts), North Cachar Hills (in Cachar District), Naga Hills District, Lushai Hills District, Sadiya Frontier Tract, Balipara Frontier Tract le Lakhimpur Frontier Tract. Ram piliril, lampui mumal um lona, ramsa khawsaka Scheduled Areas sunga tlangmi chenghai humhalna ding hin a nih India Danpui hnuoia Sixth Schedule a hung pieng chuh. Sixth Schedule hnuoia District umhai chu 'Autonomous District/ Region' an tih. Hi huol himna huong (scheduled area) a hnam hnuofuolhai an khum leia Scheduled Tribe/Caste ti tawngkam khawm hi a hung suok ni ring a um. A umzie ei inkawktir ang hin ram dangin an hmang ve ka la hriet ngai nawh. A hung inlangna hmasa tak chu Indian Constitution Article 366 (24/25) a nih.

Kum 1950-a India Constitution ei hung hmang tan khan Manipur le Tripura ti lo hmar-sak ram po po chu Assam State hnuoia um le tlangmihai chengna hmun po po deuthaw chu Sixth Schedule huop sunga um a nih. Kum 1971-a States/UT thar a hung pieng khan Meghalaya chun Sixth Schedule hnuoia a State sunga Autonomous District Council (ADC) pathum chu a khum vong a. Mizoram ruok chun Chakma, Mara le Lai ADC chauh a hum a. Kum 1963-a State hmu tah Nagaland ruok chun hisapna dangdai tak hmangin Sixth Schedule hnuoia inhumhalna a hnawl ve thung a. Kha hmaa NEFA ti ni hlak, Arunachal Pradesh chuninsukvai tingtang deuin Panchayati Raj a lak lut a. Tripura chu Manipur ang bawka kha hmaa Rengram (princely state), Category-C hnuoia sie ni sien khawm a ram sunga tlangmihaiin Sixth Schedule hnuoia hamthatna le inhumhimna an dawng a phal a. Manipur ruok chun a lem chauha a puopa an dawng a phalpek a, 'tlangmihai' chu an nina anga ko nuom loin 'tlangram' ti ngawtin a ko thung. Chu thu chu ei la hril pei ding a nih.

Manipur le Sixth Schedule

India rama cheng 'Scheduled Tribe' ei tihai, India Constitution Article 266 (25) hnuoia hrilfienna a pekhai hi an kawl le kienga hnam hmasawn lem le changkang lem haiin an nuom a ninga neksawr a, hlem a, an chengna ram le an thil neihai lakpek a, an chim rar nawna dinga inhumhimna dan siempek khah British Raj kha a lo ngai pawimaw khawp el ti chu ei thu hmaa an thilthaw dan tawite ei tar langa inthawk kha a chieng a. Tribal tia an mi hrietahai, abikin India hmar-sak tlangram hlou tu hnam hrang hrang hai hi India ramin zalenna a hung hmu kha an inhumhimna dingin India Danpui-a Fifth Schedule le Sixth Schedule hi a hran lieuin a duong a. Sixth Schedule hnuoia Autonomous District Council (ADC) hnuoia lo khawna District tam lem chu State puitlinga hlang kai an ni tak thu le a thenin State an ni hnungin Sixth Schedule an hnawl a, a then ruok chun an State sunga rambung amanih biel thenkhatan an la sawm zui pei thu khawm a hma khaan ei hril ta bawk a. Manipur makna ruok chun Fifth Schedule amanih Sixth Schedule amanih a iengkawm a hmang ve naw hi a nih.

Kum 1890/91 laia British Raj-in Manipur le Zo hnathlakhai cheng rawna Lushai Hills (Mizoram) le Chin Hills a hung lak khan Manipur chu ramperah sie loin Rengram (princely state) a nina angin, a thla zar hnuoia ram humhalh (protected state) laia pakhat a sie a, an Reng, kum tling lo (minor) Raja Churachand Singh aiawin rorelna a kengkaw a. A hung puitling hnunga lalna a hung chel khawm khan Phaipui Biel sung māng māngah thu a nei a, tlangrama cheng tlangmihai inawpna le inenkawlna chu khaw tina lalhai hmangin British Raj palai Political Agent kutah a um thung a. Kum 1913-a Manipur State Durbat President (PMSD) dinga British ofisar ICS val an hung sie hnung lem khan chuh a nuom dan ang anga tlangram enkawl sin chu thaw dinga Manipur Rengin a pek suok lein, Reng le tlangmihai suizawmtu chu PMSD a nih.

India ramin zalenna kum 1947-a hmu hnung kum hnaiaah Manipur chu Indian Union-ah 1949 khan sung lut a ni a. Pawlitiks tieng Manipur phaimihai le tlangmihai mit a hung keu tan khan ram inawpna dingin Manipur State Constitution Act 1947 a hung suok a. Chu le inzawm chun tlangmihai inenkawlna dan ding Manipur Hill People's Regulation-1947 a hung suok bawk a. Hi dan hi tha twapa an hril thang

ni sien khawm hmang tlak tak tak a ni naw lei le India Danpui hnuoia inhumhimna ruongam a zui naw leiin t hiek le siem that pei a hung ngai a, a san tak chu a bul infuk lo, a bila tho lo a ni lei a nih.

Manipur chu Union Territory ngirhmuna hlang kai a ni khan Union Territory Council Act, 1956 a hung suok a. Council member 30 le ruot 2 an um bakah tlangmihai ngirhmun humhalna dingin Chairman a hrana nei Hill Standing Committee (HSC) an siem a. A thuphung chun a tha a, a tak ruok chun a thawk naw a, thawk thei dinga an duong khawm a ni nawh. North Eastern State Re-organisation Act, 1971 a hung suok a, Manipur-in State puitling a hung hmu khan tlangmihai ngirhmun humhalna dingin Article 371-C (Special Provision with respect to the State of Manipur) chu India Danpui-ah an hung zep a, chu dungzui chun Hill Areas Committee (HAC) an hung siem a. Dr. V.V.Giri, Indian President chun 1972 khang Manipur Legislative Assembly (Hill Areas Committee) Order, 1972 a hung puong a. A thuphung ringawt chun a muongmaw khawp el. Phaimihai suosamna laka inthawka tlangmihai ngirhmun humtu dinga an mi dandehai khawm Sailo lungphun anga nghet an intlar khup el: HAC Chairman, State Governor le Indian President. An hmang hang sam ringawt khawma ramhuoi tlan se dur dur awm a nih.

Sienkhawm ei hang bi chieng deu a, ui kawl le kawlhawng, sienkhawm tin le ha nei lo (toothless bulldog) intlartir khawm a hawina chin a um. Thil chinchang sui mi, dawnril le mi thiem insang thenkhatin tlangmihai inhumhimna kulpuia ngai Hill Areas Committee (HAC) an hmu dan chu suong a um naw khawp el. Chuonghai laia mi thiem filawr, January 5, 2017-a muol liem tah, Prof (Dr) Gangmumei Kamei thu thluoia hi hang zep vak ei tih:

"The analysis of the power and function of the Hill Areas Committee shows that the HAC is a powerful instrument to safeguard the tribal interests and promote good governance and developmental process in the Hill Areas. However, it is necessary to examine how far the HAC has been able to protect the tribal interests.

4. Conclusion

i. It is said but true that the HAC has been sabotaged by the Legislative Assembly controlled by ruling parties and the executive departments. It has become a white elephant of the legislature of Manipur.

ii. The leaders who are supposed to be key players in the HAC are more obsessed with their identity political aspiration and competition to get benefits of the office of the Chief Minister and other Ministers keep their eyes shut on the problems to be discussed in the Committee. They have not succeeded in evolving common ground or consensus on common tribal issues like district autonomy, reservation for Scheduled Tribes in recruitment to Government services and problems of land laws in hill areas.

iii. The post of the Chairman of the Hill Areas Committee which is the main pivot of the Committee has become a mere tool in the hands of the ruling party without caring for the common tribal interest.

iv. The Government represented by the Ministers and bureaucrats dealing with different departments have totally ignored the Hill Areas Committee. There is great need for change of the mindset of the legislators of both the valley and the hills towards this important constitutional safeguard provided at the time of granting of statehood. With a positive attitude towards the Article 371 (C) and subjects provided in the Scheduled of the President's Order, 1972 several effective measures can be taken up. v. Governor of the state is duty bound under the Constitution to monitor the working of Hill Areas Committee and the administration of the hill/tribal areas

vi. Most importantly, the leaders of the hill people and the tribal intellectuals including the members of the media are to compel the members of the Hills Areas Committee to do their job as provided by this important constitutional safeguard."

Extract of paper entitled Hill Area Committee (HAC) of Manipur Legislative Assembly: An Assessment. Source: Hueiyen Lampao (English). This article was posted at e-pao.net on December 17, 2012.

A tawi zawngin, Hill Areas Committee hi tlangmihai inhumhimna ding le hmasawna dinga hmangruo thilthawthei tak ni sien khawm Legislative Assembly-a lalna cheltuhai le Minister haiin sieli khaw mawi chaua an hmang, thawk thei lo dinga an siem, tu khawma an pal zur a nih. An chairman-haiin tlangmihai sukhmasawna hmangruoa hmang nekin insuklarna le Chief Minister le Minister danghai tlawnaa an hmang a ni leiin, thu pawimaw hril tlang ding a um chang khomin naw tieng an nghatsan hlak. Tribal-hai chungthua sukfel ding tam tak, entirman District thuneina (autonomy) chin ding dam, tribal reservation chungthu dam, ram inchawk le zor thua dam le thil dang dangh khuongrui taka fe dan ding an la duong suok nawh. HAC Chairman chu sawrkar neitua a nuom nuoma a kei let a nih. Minister tin le sawrkar thawktuhaiin HAC hi an bengkhawn bawk nawh. Phaimi le tlangmi, dan siemtu le kengkawtuhai hin Article 371-C poimawzie hi hre fie dinga an lungril thlek dan an thlak nuom a um. Governor khawmin Hill Area Committee sinthaw dan a sui zui hi Danpuiin a phut a nih.

Tlangkawmna

Inchuoim pher phuora ram tin ei zuk hrila inthawka chieng chu, Manipur State-a thuneina fawng cheltuhai hin tlangmihai hi India hmar-saka cheng tlangmi danghai chang ang inhumhalna dan pek an remti naw a, hmang dukdak thei lo, a puopa ruok chu a lema inortir an pawiti nawh. An dan siema tawngkam an hmang nuom zawng enin, kha hmaa 'hill tribes/people' an lo hmang khawm kha hmang zawm nuom ta loin 'hill areas' an ti tah lem. Chu chun vervekna le dawha inril tak, rui tur neka t ium lem a pai a lo ni khawmin, thilmaka ngai ding a ni nawh. Kum 1971-a Manipur (Hill Areas) District Councils Act-a "autonomous districts" 6 siem thu an hril vung rak kha, kum 46 hnunga khawm sukfel thei mumal loa la um a nih. Chu khawm chu la sukfel thei loa District thar pasari zet an siem bel el kha khawvela Manipur hloutuhai mak danglamna a nih. An hum nuom chu tlangmihai (hill people) ni loin tlangram (hill areas) a nih. Mihriem a ni nawh; hnuoi a nih.

Ei ngirhmun ei en veng veng a, ei hmu phak china inhumhimna tha Hill Areas Committee khawm umzie neia hmang thei lo ei ni chun. District za chuong khawm nei inla, iem a tangkaina a um? Kum 2015-a inthawka muolphona rumpui ei tuok chu tlangmihai rawn loa ei ngirhmun tawp poi thei thil an thaw lei a nih. Chu inhumhimna kulpui vengtu dinga hotu lu taka an sie chu tu am a na? Ieng leia mani huon veng tha loa mi a nuom nuom luta an pal zur ei phal? Iengin am ei mit hi a sukdel zo ning a ta? Sixth Schedule hnuoia inhumhimna peka ei um hmaa India sorkarin ei inhumhimna dinga a duong chu Article 371-C hnuoia HAC a sie hi a nih. Chu vengtu nina sin dandea uma thaw si lotu chun tlangmi po po a mi zawr ang a nih. Pulpit tlanga ei khekpu rawp Rorelna Ni hi a um tak tak a, ei Pathien ring nia ei hril rawp hi Pathien tak a ni chun, ei hmasuon ding hi namen naw nih. Kum nga dana ei vawku bupeka a mal tin khawm hre fai vawngtu a ni si a.

(February 4, 2017 Delhi)

ALL INDIA RADIO: CHURACHANDPUR PROGRAMME			
Date: February 18, 2017 (Inrinni)			
TRANSMISSION- FM-101.4 Megahertz			
Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement& Mangal Dhvani	
5.30pm	P	PAITE Prog. Sig. Tune & Announcement Announcer:Ngabialkun 1) Thangminlin & party (dev) 2) Employment News	CD-1410
6.00pm	P	HMAR Prog., sig. Tune & Announcement Announcer: David Traite 1) Ruth Nunnen & party (dev) 2) Employment News	CD-1659
6.30pm	P	THADOU Prog., sig. Tune & Announcement Announcer:Lamkhochin 1)Jaila-Ai 2) Employment News	CD-1688

Feb 20 in Tripura Budget

AGARTALA: Tripura Assembly budget session chu zanikhan tan ani a, Governor Tathagata Roy in session hawngna hunah thu a hril. February 20 hin Finance Minister Bhanu Lal Saha in state Budget 2017-2018 phar a tih.

Tukum hi Tripura Assembly in Planning commission um lova vawikhat pharna a neina ding a nih. Chit fund chungthuah TMC in tawngbau an nei tum leiin, Budget chun boruok a suklum hle dinga ring a nih.

LAKTAWI
RPI(A) state Unit Chief ban
MUMBAI: Republican Party of India (A) chun zanikhan state Unit President Bhupesh Thulkar chu Pune Municipal corporation election a BJP ticket a ngir candidate ta dinga vote a campaign lein unit president a ninna inthawk an ban. Hi thu hi zanita National Executive Chairman, RPI (A) Sumantrao Gaikwad in a puong a nih.

Arawn thisa 17 hmu
JAIPUR: Rajasthan a Tonk district huom sungah tura vahlum ni dinga ring, Arawn thisa zanikhan 17 zet hmu a nih. Report an hmu le inzawma police le forest department haiin an hmuok a nih. Arawn thisa hai bula chun fakthei iemanizat le poison bur ruok hmu a ni a, an thina san indik tak hrieta dingin post-mortem thaw ning an tih. Forest department haiin case an ziekul a, suichingna nei pei ning a tih. Tonk chu Jaipur a inthawka 85 km a hila a nih.

Duty inthlada official 92 suspend
BHUBANESHWAR: Odisha state a panchayat election fe mek ah, official 92 hai chu an duty an inthlada lein an sina inthawk suspend an nih. Jajpur District Election Officer-cum Collector in official 57 hai chu an duty na ding hmuna an um naw lein a suspend a, Kendrapara district administration in official 35 hai notice um lova an duty na hmuna an maksan lein a suspend bawk.

Venezuela Opposition leader jail intang dinga relna a cheltang
CARACUS: Venezuela Supreme Court chun Opposition leader Leopoldo Lopez kum 14 jail intang dinga a relna chu US President Donald Trump in insuo dinga a ngen nikhat hnungin a chungthu rela um hi a cheltang hri.
 Leopoldo Lopez hi Popular Will founder niin Venezuela President Nicolas Maduro dodatu hai laia a lusa pawl tak a ni a, kum 2014-a anti-government protest huna buoina le in-beitona suksuoktua intum leia themnaw inchangtir a ni a, anti-protest huna kham mi 43 in thina an tuok a nih.

White House budget director dingin Mick Mulvaney

WASHINGTON: US Senate chun congressman White House budget director (federal budget chief) dinga President Donald Trump in a nominate Mick Mulvaney (49) chu zani hmasa kham an namdet. White House budget director dinga namdet a ni thu hi Management and Budget office in a puong a nih. Mr Mulvaney hi Trump's cabinet-level nominee Senate in an namdet a 13-na a nitah. A hma in Secretaries of State, treasury, defence, homeland security, health, education, transportation and veteran affairs bakah attorney general, CIA Chief, US ambassador to United Nations le small business administrator hai chu sukfel le namdet an lo nitah.

Bank Executive Director 8 ruot thar
NEW DELHI: Banks Board Bureau (BBB) in recommendation a thaw dungzuin, public sector bank hran hran 8 hai chun Executive Director an ruot thar.
 Neelam Damodharan le Atanu Kumar Das hai chu Bank of India (BOI) a ED dinga ruot thar an ni a, Neelam Damodharan hi Bank of Baroda (BOB) ah General Manager niin, Atanu Kumar Das hi Vijaya Bank a General Manager a nih.
 Indian Overseas Bank (IOB) a General Manager K Swaminathan chu IOB ED dinga ruot a nih. Ashok Kumar Pradhan chu United Bank of India (UBI)-ah ED dinga ruot a na, ama

chu State Bank of Bikaner (SBB), Jaipur a Chief General Manager sinthaw lai a nih.
 P Ramana Murthy, Allahabad Bank a General Manager sinthaw lai chu Central Bank of India (CBI) ED dinga ruot a nih.
 Fareed Ahmed Khan, General Manager, Corporate Bank chu Punjab and Sind Bank a ED dinga ruot a na, Indian Bank le Allahabad Bank ED dingin Bhattacharya le S Harishankar hai ruot an nih. Bhattacharya le S Harishankar hai chu State Bank of Mysore le State Bank of Travancore haia General Manager sinthaw an nih.
 Hieng ED 8 hai hi kum 3 sunga dinga ruot an nih.

DTC Student in Rs. 71 Lakh hlaw
NEW DELHI: Delhi Technological University (DTU) in campus interview a thawna a sin hmu hai laia offer insangtak chu Rs. 1.25 crore a na, chutaka ding chun cab Uber in sin a offer. Sidharth chu Delhi Public School, Vasant Kunj a inchuk suok niin, DTC-ah Computer Science final year thaw lai a nih.

Hme hmesuol lein mi 5 an damnaw pha
AIZAWL: Mizoram a Kolasib a khawsa sungkuo pakhat chun hme an hmesuol pal lein an sungkuo mi 5 le an mikhuol 1 hai an damnaw pha a, hospital a enkawl mek an nih. February 16 zantienga kha an hme niin, Bachikhawm sawnin hlo tur nei chikhat an hme fuk pal leia damnaw an nih.
 Tuta hme hmesuol leia Kolasib civil hospital a enkawl mek hai chu B.Lalzidingi (31) W/o Lalhmingthanga, Samy Lalrindika (17) S/o Lal-

hmingthanga, Reuben Lalremtluanga (16) S/o Lalhmingthanga, Israela kum (98) S/o Vanlalsiama (Puimama), Lalchhandama (23) S/o Lalbiakmawia, Bilkhawthlir (an mikhuol) hai an nih.
 February 16 zana bu fa po chu mi 6 an na, a in neitupa tak Lalhmingthanga hi chu iengkhawm a ti ve nawh. Mi 5 hai ruok hi chu an ngirhmun a derthawng hle a, an tuok hai chauin, oxygen dam an pek niin ei thu lakna chun a hriol.
Jitendra Singh chun congress thuoitu Ghulam Nabi Azad le Sandeep

NCST chairman thar dingin Nand Kumar Sai
NEW DELHI: BJP thuoitu hlu le Chhattisgarh a tribal hnamhai thuoitu Nand Kumar Sai chu National Commission for Schedule Tribes (NCST) Chairman dinga ruot a nih. Sai hin hung tung ding February 28 pha New Delhi-ah intiemkamma nei a tih. Sai hi Madhya Pradesh a inthawka Chhattisgarh the thlak ani hmaa BJP President lo chel tah niin, 2000 a Chhattisgarh state a pieng huna opposition party thuoitu hmasatak a nih.

Robert Harward in Trump in NSA dinga a fielna a hnawl
WASHINGTON: US Vice-Admiral pension Robert Harward (60) chun US President Donald Trump in National Security Adviser dinga a fielna a hnawl. Mr Harward hi tuhin Abu Dhabi hmuna umin US defence contractor Lockheed Martin Executive sin thaw mek a ni a, a ma mimal thil leia Trump fielna hi a hnawl niin a hriol.
 Mr Harward hin Trump fielna a hnawl lei hin tuta National security Adviser dinga kham tak pahni hai chu retired General David Petraeus le acting National Security Adviser Keith Kel-

logg (73) hai an nih. Kellogg hi retired three-star general a ni a, Mr Flynn an ban a inthawk acting NSA hi hung chel a ni a, US Army-ah a um laiin Vietnam le Iraq haia khawm lo umin kum 2003 kham a pension a, a

China in aircraft carrier tlangzar a tum
BEIJING: China chun fighter jets le helicopter hai hmang thei ding aircraft carrier a pahna chu tukum kumtawp tieng hin hawng le tlangzar a tum a, kum 2020 a hmang hman dinga beisei a nih tiin official thuoitu chun a hriol.
 China chun aircraft carrier hi Chinese port hmuna a bawl mek a, zo tep a ni tah tiin retired Chinese military officer le China Arms Control and Disarmament Association a consultant Xu Guangyu chun a hriol. Tuta hmaa aircraft carrier a siem kha a body po Russia (Soviet Union) in a siem hmanga a lo siem a ni a, tuta mi ruok hi chu China kutsuok lieu lieu a nih.
 Aircraft carrier hi tum

GOVERNMENT OF MANIPUR
OFFICE OF THE DISTRICT ELECTION OFFICER:CHURACHANDPUR

NOTIFICATION

Churachandpur, the 16th February, 2017

No.8/DC(CCP)/ELEC/N.O/SAE/2017/165: In connection with the ensuing State Legislative Assembly, 2017, the following instructions are hereby notified for information and strict compliance.

1. Web Streaming is mandatory. All Web Casting (online and offline) will be checked, and any blank recording will be viewed adversely.
2. All handsets are to be returned. The Presiding Officer will be responsible for returning the handset safe and secure.
3. Presiding Officer may ensure that at least 1 (one) member of his team is well trained to handle Web Casting.


(R. Sudhan)
 District Election Officer,
 Churachandpur.

Congress chu 'Separatist' tawngbau hmanga tawng a nih: Jitendra Singh

NEW DELHI: Army Chief Bipin Rawat in Jammu and Kashmir a local mi Army hai thlawp naw chu an chung a action la dinga a hriol leia congress in a sawiselna humna in, BJP chun congress chu 'separatist' (inthena thlawptu) tawngbau hmanga tawng niin an tum a, Army Chief a tawngbau politics-ah keilut an tumna niin a hriol a, politics a thlirna inhuoitak nei Army hai suk hmehemna niin an tum a nih.
 Kashmir a um Union minister Jitendra Singh chun, congress in Army Chief a tawngbau an sawiselna chu a dolet a, Bipin Rawat thuhrlil chu invauna nilovin, civil mihai a ngaituona leia tawngbau a nei niin a hriol.
 Press conference a thu a hriolna a chun, congress Vice President Rahul Gandhi chu an party mi-le-sa haiin tawngbau an nei chu hriolna siem dingin a phut.
 Jitendra Singh chun congress thuoitu Ghulam Nabi Azad le Sandeep



la, thalai hai chu thunun lemin, ram buoina a mipuihai chu hmang tangkai lem sien tiin a hriol a nih.
 Army Chief Bipin Rawat chun Jammu and Kashmir a buoina tung le inzawma thu a hriol a nih. Helpawl 4 kaplum an ni tum kham, civil mihai in an thlawp lein, Army le civil mihai inkarah buoina suokin civil mi 2 in an hringna an chan pha a nih. Army 3 thi hai inthla liema an nei laiin, J&K a civil mi helpawl hai thlawp nawk le helna thila inhmang hai chu overground anga ngai niin, terrorist a puong an ni ding thu a hriol a nih.

2005 Delhi blast: Mohammad Rafiq Shah insuo tah
NEW DELHI: 2005 kuma Diwali tawma New Delhi hmuna bomb puok leia mi 67 zetin hringna an channa a thang nia intuma man, Srinagar, J&K mi Mohammad Rafiq Shah (34) chu kum 12 an tang hnungin zanikhan insuo ani tah. 2005 a bomb sukpuoktu hi mi 3 an na, anni le inzawma nei Tariq Ahmed Dar khawm themnaw changin an tang ve.
 Mohammad Rafiq Shah hi Kashmir Univer-

sity-ah Islamic study a Master degree an chuk laia man a nih. Mana a um lai kham nasatakin sawiselna a siem a, bomb puok lai class-ah a um thu le, Delhi chu a chin laia an zin bak a la hmu naw thu a hriol a, midang an man hai khawm chu a hriol ngai naw thu a hriol.
 Shah chun jail an tang sungin Master a zo a, ama anga helpawla intuma man le, lungril thienghlim tak put thalai hai le sinthaw a nuom thu a hriol. Tihar jail-ah ama anga indiklo taka intuma man iemanizat an la um niin a hriol.

UP-ah Phase-III a ding campaign suktawp
LUCKNOW: Uttar Pradesh a boruok rikna le mipui an sosangna tak nia hriol, phase-III Assembly election neina dinga campaign chu zanikhan suktawp ani tah. Election chu hung tung ding Pathienni a nei ning a tih. Phase-III election chu district 12 huom sunga Farrukhabad, Haridoi, Kannauj, Mainpuri, Etawah, Auraiya, Kanpur

Dehat, Kanpur, Unnao, Lucknow, Barabanki le Sitapur constituency haia nei ning a tih.
 Congress-SP Alliance, BJP le BSP hai chu a chalingeng deu an ni a, Prime Minister Narendra Modi le BJP chief Amit Shah hai khawmin theitawp suoa campaign an neina hmuna ni. PM chun Uttar Pradesh CM Akhilesh nasataka kh-

Pakistan Sufi shrine a bomb puokah mi 76 an thi: Helpawl 42 kap hlum an ni tah Pak. in terrorist 76 hai an kuta pe dawk dingin Afghanistan an hriettir
SEHWAN: Feb. 16, 2017 zan kham Pakistan ram Sindh Province-a Sehwan hmuna Sufi shrine hmuna Islamic State helpawl-a thichil bomb paitu in a bomb pai a sukpuok lein mi 76 in thina an tuok bakah mi tam takin hliemna an tuok.
 Hi bomb puok le inzawma Pakistan security forces han hmuna tin an dapnaah ringhla mi 40 chung zet an man ta bakah zantina ram pumpui huopa dappui nasa taka an thawnaah hi thi ei

isthan Embassy-a officials hai koin wanted terrorist 76 hai hmung inziengkna list a peklut a, chungu terrorist hai chu Pakistan kuta in-

Trump in Travel Ban thua executive order thar sign dinga hriol
WASHINGTON: US President Donald Trump chun Muslim rambung 7 haia inthawka US lut khapna le, refugee tam tak an lut khapna dan hlulo hlantu ding executive order thar karkhat hnungah a sign nawk ding thu a hriol. Trump in Muslim rambung a inthawka US lut a khapna chu khawvel ngaiwen a hlaw a, mi thinkat chun Muslim hai dona angin an ngai hiel a nih.
 Trump chun Muslim le rambung danghai dona leia khapna dan a siem ani naw thu le, America mipuihai himna ding ngai pawimaw leia a thaw thu a hriol tung, US a Muslim rambung 7 haia inthaw mi an lut naw chun, a ram sungah terrorist hai an um ta naw ding niin a hriol. Helna le terrorist hai chetna hrim hrim sukbo a nuom lein, Trump chun immigrants le Muslim rambung mihai hnawt dawk

SIELMAT CHRISTIAN HOSPITAL & RESEARCH CENTRE

Dr Sholay MS, MCH (Urologist) pan nuomhai chun **Date 18th February, 2017** zing Dar 10AM hin SIELMAT Christian Hospital-ah pan thei ning a tih. Zunlam tienga harsatna neihai tading khawmin pan thei ning a ta, operation a lo tul khawma thaw thei ngal ning a tih. Registration Fee Rs. 300/- ning a ta, ticket booking khawm 7:30AM - 6:30PM chen thaw thei ning a tih.
Contact No. 919862853047

Kerala jail in saloon hawng ding

THIRUVANANTHAPURAM: Kerala a Poojappura Central Prison chun jail intanghai themna hmang theina ding saloon a hawng tum nia hriol a nih. Saloon a chun beautician tieng inchuktirna khawm siem ning a tih. Prison department in jail intang hai tadinga rehabilitation programme an thawna le inzawma saloon chu hawng tum a nih.
 Poojappura Central Prison a chun themna chihran hran nei, fak le dawn sienna thila sumdawngna a inthawka thumhnaw siem them chen an um a. Beauty saloon chu hawng vat ta dinga ti niin, chutaka chun

jail intang hai themna sawr tangkaiin mipui hai chu man tlawm taka beauty service pek an ni ding thu Jail Superintendent, S Santhosh chun a hriol.
 Jail bul hnaia quarter hlui hlui ta loa um chu cheibawl in, air-conditioned room a siem ning a ta, chutaka chun saloon siem niin, parlour changkang tak pasal hai ta ding bik siem ding niin Santosh chun a hriol.
 Tuta mi hi a puitling hunah Kerala a dingin a pahna ani ding a nih. Kannur district a Cenral Prison a tho 'Phoenix Freedom Xpressions' saloon hawng a lo ni tah.

SECAS II vaiiemna nei

NEW DELHI: Science Express Climate Action Special (SECAS II) chu zanikhan Secdarjung Railway station, New Delhi a intawk vaiiem ani a, wawisun le zing huna hin Delhi Cantonment Railway Station-ah mipui an thei dinga pholang ning a ta, chu hnunga tlawuokin rampung fang suokna nei a tih. SECAS II chu September 8 chen tlan a ta, Gandhinagar, Uttar Pradesh ah tawp a tih.
 Science express chu 19,000 kms vel tlan dinga

riruong siem ani a, state 20 fethlengin station 68 hai ah in pholangna nei a tih. Tripura a khawm a wawikhatna dingin lut veng a tih.
 Science express in exhibition a thaw chu climate change chanchin hriol darna dinga thaw a na, inbiok-pawna le hriol tlangna neina dinga remchang taka ngai ani bawk. India mipuihai laia climate change do dan lampui inchuktirna ding le, awareness thawna dinga siem a nih.

Assam-ah lawyer 5 man an nih

GUWAHATI: Goalpara court huom sunga Foreigners Tribunal member, Ajay Kr Phukan a office chamber a an beinaah inrawlana an nei lein, lawyer 5 hai chu zanikhan Assam police haiin an man. Hi invuokna a mawphurtu tak Shahjahan Ali, Nazrul Islam le Umar Faroque hai chu an tlanhmang lein man an la ni nawh.
 Additional Chief Secretary (Home) TY Das than- gin, Investigation team hai

chun Foreigners Tribunal Court No.4 chu a hmuna enfelna an nei. Ajay Kr Phukan chu Bangladesh a inthawka Assam lut (immigrants) hai chu ramdang mi (foreigner) an nih tiin thutlukna a siem a, court rorelna a suksuok leia a office a vuok a nih. Hi chungthua hin All Assam Students' Union (AASU) in thil tung an dem thu an puong a, state sawrkarin judge hai security a pek tha tawk naw lei niin an hriol.

chief Mayawati ruok chun, tu party khawm thaw tlang pui lovin, minority hai vote chau khawma BSP in sawrkarn an siem thei tiin theitawp in hrosu ve.
 2012 Assembly election kham, hi lai biela seat 69 um hai laia 55 SP in a chang a, BSP in 6, BJP in 5 le Congress in 2 an chang a, Independent a tling pakhat an um bawk a nih.

Pakistan Sufi shrine a bomb puokah mi 76 an thi: Helpawl 42 kap hlum an ni tah Pak. in terrorist 76 hai an kuta pe dawk dingin Afghanistan an hriettir

 lan dingin a phut.
 Hi thil hi zani hmasaa Sehwan hmuna Lal Shahbaz Qalandar temple/shrine hmuna bomb hrat takel a puok leia mi 70 chungu zetin thina an tuok bakah mi tam takin hliemna an tuok le inzawma Pakistan in Islamabad kuoma an hriettir a nih.
 Sindh Province chun hi bomb puoka thina tuok hi 80 an tlingta niin an hriol baka, hliemna tuok khawm 250 vel an tling niin a hriol.

Sawrkar lawyer in, Trump in travel ban hun sawnawte a thaw chu ngaituo lo dingin court a lo hriol tah a. Justice department ruok chun, President in tu ngirhmuna ram zuk humhmin ngal theina dingin a fe sei hmaa lampui a sukawng ding niin a hriol a, hun sawttak fepuu chu hmelma sienna ding ani thu a hriol. Virginia district judge chun, executive order thar chu constitution besana siem ani naw thu a hriol.

Scarlett Johansson: Pasal 1 Nei, Natural Lo Ti

LOS ANGELES: Kar hmasak lai khaan a nau le insung enkawl lein a buoi thu a hril ta a. Tuhin mihrim chu kawppui (nuhmei/pasal) pakhat chau nei tlut tlut dinga siem an nih ti chu a "natural" naw tlata a hril thu Scarlett Johansson chun a hril nawk a, ngaidan a choktho nasa hle. Hmel-tha le zei, dittu tamtak nei, sin tamtak le a nau pakhat enkawl mek chun, "Inneina hi a romantica a, a tha, sukpuittung tuma thaw khawm a tha. Makhat chauva um amanih kawppui pakhat chau nei ti ruok hi chu a "natural" nawh" tiin nuhmei-pasal pakhat chau nei a tha kher naw thu *Playboy* magazine a hril a nih.



chun 2014 khaan *Elle* magazine kuomah, "Mihriemhai hi kawppui pakhat chau nei dinga siem ei ni ka ring nawh a, mihrim chi ah an phum khawm ka ring baww nawh" tiin a hril. "Charles Angel" star Cameron Diaz, 2014-a Benji Madden le innei tah khawmin, *InStyle* magazine kuomah, "Mihriemhai hi kawppui pakhat chau nei dinga ringa siem ei ni am ka hril nawh. Hlimna zawng vawng ei nih, ranhai angin. Hlimna dinga kawppui dang dang zawng theina society ah ei um tah. Kei khawm

pasal pakhat neiin hlim ka ring a, ka hlim chuong nawh. A rinum a nih" tiin a hril a. Khaw hnungin, "Monogamy chu inlaichinna siemna dinga pawimawtak niin ka hril" tiin *Good Morning America* ah a hril-fie nawk hlaww a nih. Will Smith a nuhmei Jada Pinkett Smith chun, a pasal leh an nuom nuom thaw ve thei dinga innei an ni thu *Huffington Post* a hril. "Kan ngaidan chun, 'mihaiin ah hip ding che a na, natural thil chu pumpel tum naw rawh" ti hi a nih a. Kan Inneina thutiem ah

'mi dang po sira hnawlin' or 'iengkim maksianin nang chau' ti hi kan inthangtir ve nawh" tiin a hril a. A pasal enthlatu a ni naw lein a nuom nuom thawa a um chu paw i a tinaw thu a hril baww. Nuhmei dang a nuom nuom nei theina zalenna a pek niin a hril a nih. Emma Thompson khawmin, kum 14 zet Greg Wise le an innei hnungin "Kawppui pakhat chau nei ti hi chu a "outdated" tah. Nuhmeihai rekhetna, hremna, khumbetna a nih. Ngaidan tha lo takah nu sawt tak khuopin ei um niin ka hril" tia hrilin pasal pakhat chau nei (Monogamy) hi thil thatak a ni le ni naw a ngaituo nasa thei hle niin a hril. Kum 18 zet nuhmei nei tah fashion designer Tom Ford khawmin, "Monogamy hi artificial a nih. Einia natural taka hung el thil niin ka hril nawh" tiin a hril a. *Playboy* neitu Hugh

Hefner khawmin "Inneina chu remchangna le inhawitina (convenient) mei mei a nih. Sungkuo indin chu a tha, amiruokchu, kawppui pakhat chau nei kumkhuo ding ti chu awi um lo, ni thei lo duthusam mei mei a nih" tiin a hril ve a. Ethan Hawke chun, nuhmei-pasal nei zinga ngai zawng nei or kawppui dang nei chu suola a ngai naw thu a hril ve. Hienga nuhmei/pasal pakhat nekta tam nei a paw i naw anga ngaidan hi America le Europe, abikin celebrity hai khawvvelah a tam ta lein nuhmei pasal innei kawngah an fet naw reng a. Nupa inthe le innak, case nei khawm an tam em em a nih. Mipui nuom dan a ni tah lein sawrkhar chun, kum thum chen innei thaha chu dang anga inthea mi dang nei nawk thei dingan dan a siem hlaww a nih. Hi hin nupa inthe innak khawm a suktam a nih.

Katy Perry, Ed Sheeran Hai Perform Ding



LOS ANGELES: Kum tina Music khawvvela artist hai live-a inthelama lientak pakhat *2017 iHeart Radio Music Award* chu hung tung ding March 5 khin puong a ni ta ding a ni a. Radio live a music peksuokna ni tin mi maktaduoi telin an ngaihlakna hlak a ni lein hi nia perform khawm hi hlaskatien tinhai chak em em a nih.

Katy Perry le Ed Sheeran hai khawm Grammy Award ah an performed zo chavin hi taka khawm perform dinga ti an ni nawk tah. Anni baka hin Shawn Mendes, Thomas Rhett, Noah Cyrus, The Chainsmokers, Big Sean le Bruno Mars hai khawm perform dinga confirmed an ni tah.

"Hi hun hi khawvel pum-pua mi maktaduoi sang telin an ngathlak hlak a nih a. Fans hai khawmin tum hlaskatien thiem tak a, tum a bright taka, tum an ngaina tak ti le a dang danghai an suklang (thlang) ve theina hun a nih" tiin tu kuma host ding Ryan Seacrest chun *On-Air With Ryan Seacrest* program ah a puong. Hi Award a dinga nominations chu thla hmasak khaan puong a ni ta. Rapper Drake chu nomination 12 neiin a tamtak a nih a, ama dawtu chu The Chainsmokers niin 11 a nei. Award laia hril hlaww tak chu Taco Bell-in a present *Best Fan Army* a nih. Detail program live a en nuomhai chun March 5, 5pm EST (N. York), TBS, TNT le TruTV haiah en thei ning a thih.

Britney Spears, A Lu A Vaw Kawl

LOS ANGELES: Bible-in nuhmeihai ropuina chu an sam sei a ni thu a hril laini khawvvela nuhmei ropui le hmingthang, hlaskathiem le hmeltah, lam them le ruol pawl thiemna hril Britney Spears ruok chun nuhmeihai ropuina le mawina a theinghil tah nisien a hawi. Ni khat lai khaan a sam a vawkaww vawng a, ama ngai chun san thatak a nei a nih. Thla thum liemtah khaan a pasal Kevin Federline le inthenda ding case a siem a. An inthe a, a nauhai ruok chu a chang phak naw lein a lungngai thei em ema, a hlim naw hle a. Inruithi le ruol hluihai belin hun a hmang a. Sungnai ngenna angin Rehab ah a luta chu

ni khat khawm um lovin a hung suok nawk a. 2006 a inthawk khaan Lindsay Lohan le Paris Hilton hai leh inhawitina po chon tumin chanchin tamtak an nei baww a. Britney khawm pasal pahni pathum lai kawpin khuol an zin vela chu hlimna tak tak a hmu naw a. Mi tuin amanih a khawsak dan ding hril zing zing ang damin an hril a. Antigua Rehab-ah admit a nia chu a zinga suokin Los Angeles tieng a vuong kir nawk a. A nun chu thununtu um tlata a hril lein tlán dawdna ding zawng a nih tak. A sam a vawna san khawm mi haiin a sam siem dan ding, a umdan ding an hril hril hai a ngaww lei le



nun thar a leng theina dinga a thaw niin a hril. Chun a drug thaw an hril theina chu a sam nia a hril thein a vawkaww a ni thu a hril baww. A ruol hnao pakhatin a hril dan chun, "A sam a

an tuoi a, a zakuo hak ding, a puonbil bil dinghai an hril hlaka, milim (doll) anga cheibawla inggaina a nei tak a. A sam a vawkaww hi helna chi khat, tlan suokna le a phurrik po po hlip kiengna angin a ngai a. Mi thununa um mei mei thei an tanaw zie tarlangna angin a ngai a nih" tiin a hril. Britney Spears hin Kevin leh nau pahni Sean Preston le Jayden James an nei a, a nungchang dukdak naw lein a pasal Kevin-in a umpui ve ve a. A nauhai hmu tuma a fe chang khawmin an phalpek ngai naw lein a lungngai a sawl thei hle a. Lungngai hadamna dingin drugs le khuolzai a thaw hlak niin a ruolpa hin a hril baww.

Kate Upton SI Swimsuit Cover ah

LOS ANGELES: Nuhmei pieng nal le hrisehlai pholagna *Sports Illustrated Swimsuit* cover vawv tamtak lo hlou tah Kate Upton chu tukum 2017 issues hai ah khawm hmang pei tum a ni lein tulai hin a taksa fitna dingin a train nasa hle niin a trainer Ben Bruno chun a hril. "Kate chu a discipline a tha em em a, ni tin vawv hni, kar khatani ni 5-6 a workout (exercise) hlak" tiin a hril.



Bruno hril dan chun, zingkar 'weight-training' le zantieng 'cardio' (thahrui tieng) an thaw hlak niin a hril a, tha sekna dinga gym ah hun hmang tam taluo or thaw rawn taluo le thaw dan ngai ngat ngat thaw ruok chu a tha naw niin a hril. "Tuol boruok hip dingin a chang chu a ui Harley leh jogging dingin an tlan suok hlak a, a chang chu Tennis an khel baww hlak. Phing thepna ding le kawng inrekna dingin rikna sukhuoi a tul a, minute 60 sung Circuit training thawin rik dawm (weight lifting) an thaw hlak a. Kate hin pound 200-a rik a dawm zo a, zalna thlang (sled) hmang lem chun pound 540 a dawm zo niin a hril. Kate hin nuhmei dang tamtak khawm, thau taluo ding invengna kawngah nasatakina a inspired niin a hril baww. Kate hin a thahrui hrata ding le a taksa hrisehla ding a ngai pawimaw em em a. Fak le dawn khawm an sum a, protein le vegetables, sugar tlawm, diet khawm balance takin a fak a nih. Hrisehla hi a pawimaw tak a ni lein 'strength training'

a thaw tam a, 'cardio' chu side dish ang chawin a thaw hlak. Nuhmei maksa pieng dan (thau le chér) sukdanglam nuom hai chun 'strength training' thaw hi a thatak a nih tin Bruno chun a hril a. "Thaw le khata sukdanglam nekin a zaia chite te sukdanglama maintain zing hi taksa that zingna ding chun a tha tak a. Fak le dawn khawm, arsa le nga le vegetables fak rawn a, sun le zantieng chu snack hriseh deu faka, balance taka maintain a tha a. Du deu changa fak rawn met zeu zeu khawm a paw i chuong nawh. Juice le tui dawn rawn khawm a tha" tiin a diet thu le inzawmin a hril a. "Kate hin a fak le dawn le hringnun a balance tha hle" niin a hril baww. Mihai hi um mei meien an nal a, um mei meien an hausa chu a lo nih naw khawp el!

Sports:

Championship clubs in goal-line technology hmang ve ding

Championship clubs hai chun season nawk pha goalline technology hmang dingin riruongna an siem. Hi riruongna hi June thlaa EFL general meeting an nei pha keiphar dingin thutlukna an nei. Kum 2013 khaan Premier League hai chun play-offs matcha hai Hawk-Eye technology hi anlo hmangta reng a nih. Hiengang thil hi officialhai indiktaka a thangpui thei beisei leia proposal siem ani thu EFL chief executive Shaun Harvey chun a hril. Hi hmangruo hin



ball-in goalline a pel pha vibration via optical signal hmangin second khat chavin officialhai inhriet-tima an thlun hman ding a nih. Premier League hai

bakah Serie A, Ligue 1, Champions League, World Cup le European Championship hai khawmin an hmangta zing a nih. Goal le goalnaw chungchanga hin vawvamtak buoina lo suoktain tuta thla bul lai khaan Queen Park Rangers haiin Blackburn laka an goal thun chu goal nawa pawmin 1-0in an tlawm pha hiel a nih. Hi thil lei hin Ranger hai boss Ian Holloway chun Championshipa hai goalline technology hmang dingin alo phut reng an nih.

Alima suklang ang khin ball fedan hrietu ding fast-frame camera 7 zet stadium chungtieng le goal sira hai sie ning ata, camera haia inthawk ball changdan chu computer softwarein lo lakhawmin ballin goal line a pel charin official hai sana-ah signal a thawn nghal ding a nih. Hi signal hi millimeter khata indikin second khatin result an inthawntuo hman ding a nih. Chun Hawk-Eye hin TV outlets-a hai khawmin replay a peksuok thei baww ding a nih.

Arsene Wenger hmatieng chienglo

Kum 20 sung zet Gunners manager lo nitah Wenger hin kum 2004 hnunga inthawk khaan league nopui a la dawmpui nawk thak naw a, a zawma season pasarina dingin Champions League last 16-a tha thei nghirhmana um mek a nih. Ama keihruoina hnuoiha hin kum 12 sungin FA Cup pahni bak chavin anla nei naw baww anih. French manager Wenger hin tuta season femek bak hi contract a nei tanaw a, tuhin club thuneitu hai chun contract suksei dingin an daww meka, amiruokchu, thua um ataka inthangtir thei ala ni hri nawh. Premier League tiengah Chelsea le Watford hai lakah an tlawm zo hnun-



gin Chelsea hai lakah point 10a inhuoi lema umin, Antonio Conte rawihai hi an hnawthak ding an chun thil maktak tlung ngai a tih. Bayern Munich 5-1a an hnena hnung khawm Wenger hmatieng hin hi hril a hlaww zuol hle a nih. A hmatieng hun ding hi kum tamtak managera lo hmanngu a club

Diego Maradona Hotel-ah police ko

MADRID: Argentina football inkhel thiem Diego Maradona le anga izawng nu hai insel nasat lein Madrida hotel neitu hai chun police hai an ko. Hi thil hi Maradona in a team hlui Napoli haiin European champion team Real Madrid hai an inkhel en dinga a hung tuma tlung a nih. Koa um police hai hin insukhlaimna iengkhawm aum naw thu hrilin couple hohlaimna mei mei a ni thu an hril. Maradona chun tukhawma complaint an siemnaawa, media hai a tarlang ka nina san khawm tukhawmin an hrilthei nawh. Madrida hin ka sung le kuo hai le inhawi taka um le Napoli hai Champion League inkhel en dinga um ka nih" tiin a hril. Hi thil hi dar 7:30 PM vela tlung niin thupui a fuon bek bek naw thu police hai chun an hril.



Hilary Duff, Valentine Day Costa Rica ah



LOS ANGELES: Hlasakthiem *Younger* star Hilary Duff chun a boyfriend Matthew Koma le Costa Rica ah Valentine's Day inhawi takin an hmang a, hunaw an hmang lai lim a fans hai a share baww. A music producer ni baww a bielpa ni baww Matthew leh bikini var le sunglass buna phaiphin le tui sunga an inhnal lai lim a shared teu a, an hlim hle. Diktak chun Hilary le Matthew hi an inpawm lai le an in-kiss lai khawm hmu a nih a. A pasal Mike Comrie le an inthe hnunga a ngai zawng hmasatak a nih a. Inneina thu

an hril dim hril a lan nawh. Mike le Hilary hi 2010 khaan an innei a, nau pakhat an nei hman a. Buoina neu lein 2015 khaan an inthe a, February 2016 khaan an innak fel a, an nauha ruok chu joint custody dingin an inrem a nih. Hilary pasal hlui Mike hi sexual case-a inrawlna neia hril police in an sui mek a nih a. Hilary ruok chun a hril nawh. Tuta a lengpui Matthew hi an inthe hnunga a lengpui hmasatak a nih a. "Pasal pawl mi rak ka ni nawh a, kum khatah mi pakhat ka lengpui leh a ni chau a. Pasal le inpawl hi ka thiem naw ning a tih" tiin a hril a. Matthew le an inhnal lai lim hai a pholanga chu pasal ngaina mi tak a ni naw thu le pasal ngai kur inkuk el mi a ni naw thu a hril. "Kum khatah mi pakhat ka dit deu dan ka hmu chau hlak" a ti lein Matthew hi a dit deu a hmu chu a ni dim? ti hi tamtak hril chak chu a nih.

Jeje boot-ah JJ12 sutpek

India striker Jeje Lalpekhlua chu a football boot-ah Nike company ha'n 'JJ12' an sut pek. Jeje hi Indian footballer hai lai Sunil Chhetri zo-ah hiengang thil hi dawng hmasatak a nih. Mizoram tlangval Jeje chun, "Nike kut suok boot-ah hin ka dit ang ang ka thlang theia; boot rawng (colour), stud um dan le a hrui um dan chenin ka dit ang ang ka thlang thei a nih, chu bakah hming inziek dan chen ka dit dit ka thlang thei baww," tiin a hril. Mariners striker Jeje-in athlang boot, Mercurial Superfly hi in-chaww-arala ding chun Rs 33,000 man baww vel akai phak ring a nih.



American company lien Nike le thutlung an ziek chu a kum 4na an hmang mek lai a nih. Mizo tlangval, Mohun Bagan le India ta dinga jersey no. 12 haktu hin Nike company anthaw an kutsuok hai a mamaw ang ang a thlawmin alak thei zing nia hril baww nih. Tiin Jeje hi Nike company le kum 5 sung aw dingin an indaw mek a. Germany company inlar pahni; Adidas le Puma hai khawmin inzawmna nei dingin an hel mek baww a nih.

Manny Pacquiao le Amir Khan an inhnek el thei

MANILA: Philippine boxer Manny Pacquiao in a Twitter followers hai fethlengna an hnekpui ding thlang pek dinga a post hnungin a followers 111,000 hai laia 48 percent in British boxer Amir Khan an vote a, an hnekpui dinga hrilik hai laia vote hmu tam tak a nih. Hi lei hin Manny Pacquiao in an hnekpui ding hi Amir Khan a ni el thei. Jeff Horn in votes 7%, Terence Crawford in votes 21% le Kell Brook in votes 24% an hmu tawl a nih.



Manny Pacquiao hin professional fights vawv 67 a hmasawn ta a, hi laia vawv 59 haia chun hrata a chang a nih. Amir Khan hi vawv 35 inhneknaah vawv 31-ah hrata lo chang ta a nih. Mr Pacquiao (38) chun, inhnekna dawngang a kai nawna ding hmun hi United Arab Emirates a ni ding thu a hril a, hi le inzawm hin a twitter followers hai chu an hnekpui ding thlang dingin tuta hmaa kha ngenna a lo siem ta a nih.

Pacquiao hi weight 6-a champion niin April thlaa inthawk khaan iemanichen boxing a chawlsan a, sienkhawm November thla khaan hung lut nawkin Jessie Vargas hnebanin belt a lak naww a nih. Pacquiao twitter followers han Amir Khan inhnekpui dinga an vote na le inzawm hin British Champion Amir Khan chun iengkhawm hril a la nei nawh.

CDSA III DIVISION LEAGUE 2017 RESULT (17/02/2017)	
First Match	DRS 0-3 FUB (Walk - over)
Second Match	:Zawluk FC 4-0 Zomi United Soccer
Third Match	:Unau FC 1-1 Zonou SC
FIXTURE (18/02/2017)	
12:00 Noon	:YBFC v/s Avoi FC
1:30 PM	:VENUS v/s NZFC
3:00 PM	:FAST v/s TYC

FOOTBALL FIXTURE
Saturday 18 Feb. 2017
Primera División
01:15 Granada Vs Real Betis
17:30 Sporting Gijón Vs Atlético Madrid
20:45 Real Madrid Vs Espanyol
23:00 Deportivo La Coruña Vs Deportivo Alavés
Bundesliga
01:00 Augsburg Vs Bayer Leverkusen
20:00 Borussia Dortmund Vs Wolfsburg
20:00 Eintracht Frankfurt Vs Ingolstadt
20:00 Hertha BSC Vs Bayern München
20:00 Hoffenheim Vs Darmstadt 98
20:00 Mainz 05 Vs Werder Bremen
23:00 Hamburger SV Vs Freiburg
I-League
16:35 Mohun Bagan Vs Shivajians
19:05 Mumbai FC Vs Bengaluru
Serie A
01:15 Juventus Vs Palermo
22:30 Atalanta Vs Crotone
Ligue 1
01:15 Bastia Vs Monaco
21:30 Marseille Vs Rennes
FA Cup
18:00 Burnley Vs Lincoln City
20:30 Huddersfield Town Vs Man. City
20:30 Middlesbrough Vs Oxford United
20:30 Millwall FC Vs Leicester City
23:00 Wolverhampton Vs Chelsea

USA le England hai jersey inang

USA chun kum 2017 sunga an hak ding jersey thar chu Nilaini khan tlangzarna alo nei tah. Nike kutsuok US jersey hi England away jersey le indanglamna a nei tlawm lein mi tamtak hril a hlaw hle. Team pahni hai jersey hi a sen dan le a design chenin an inang vawnga, a danglamna umsun chu a ringa chau a nih. US jersey ringkuol lai hi a duma inrin kuol niin England hai chu a pawlin a inrin kuol ve thung. USA hin an jersey thar hi March 24 khin hak ngal an ta, World Cup qualifying match inkhel dingin Honduras hai San Jose, California khawpui-ah lo mikhuol an thih.

